



Ruth Heilmann
Inatsisartunut ilaasortaq, Siumut
/maani

Ruth Heilmannip § 37 – nr. 050 naapertorlugu efterskolit pillugit apeqqutaanut akissutit

Asasara Ruth Heilmann

Matumuuna § 37 naapertorlugu efterskolit pillugit apeqqutitit akineqarput.

Apeqqut 1.: *Ullumikkut ukiunilu kingullerni Nunatsinni Efterskoleqaleqqinnerup maannamut ingerlanneqarnera pillugu Naalakkersuisut Inatsisartunut inuiaqatitsinnullu qanittuklut nassuiaammik saqqummiussilersaarpat?*

Akissut: Efterskolit pillugit Inatsisartunut immikkut nassuiaasiornissamik Naalakkersuisut maannakkut pilersaaruteqanngillat. Kisiannili immikkoortoq ilinniartitaaneq pillugu periusissatut pilersaarummi Inatsisartut tulliani ataatsimiinnissaannut Naalakkersuisut saqqummiutilersaagaanni ilaassaaq.

Apeqqut 2.: *Atuartitsinermi suut naleqartitatut pingaartillugit ingerlanneqarpat?*

Akissut: Efterskolit imminut pigisuusut naleqartitatik namminneq toqqatik ilinniartitsinerminni tunngavigisarpaat. Taakku efterskolit ataasiakkaat nittartagaanni atuarneqarsinnaapput imaluunniit efterskolit attaveqarfigalugit piniarneqarsinnaallutik.

Maniitsup efterskolia: <http://www.efterskoli.gl/gl/atuarfik/ileqqoreqqusat.html>
Efterskoli Villads Villadsen:
http://www.vve.gl/Vedtægter%20Efterskole%20Villads%20Villadsen_grl.pdf

Apeqqut 3.: *Efterskoleni Qasigiannuani Maniitsumiittumilu ingerlatsineq sutigut assigiissuteqarpa ? Aammalu sutigut assigiinngissuteqarpa?*

Akissut : Efterskolit taakku marluk assigiissutaat tassaapput anguniakkat naleqartitallu, atuartut perorsarsimanerannik ilinniagaannillu tunngaveqartut. Efterskolit tassaapput perorsaanerme atuariit/atuartut ineqarfigisaat, tamanna ataatsimoortillugu immikkuullarissumik ilinniartitsinerme inuttullu inerikkiartornerme ulluinnarni atorluarneqartarpoq. Taassuma saniatigut efterskolit immikkuullarissumik imaqartumik ineriartortitsinissaminik namminneq aaqqissuisinnaapput, efterskolilli inatsisini aalajangigaasunik atuartitsisutininik sisamanik ilinniartitsisussaaitaapput.

Assigiinngissutit assigiissutillu efterskolit ataasiakkaat nittartagaanni nammineq misissorneqarsinnaapput imaluunniit efterskolit attaveqarfigalugit piniarneqarsinnaallutik.

Maniitsup efterskolia: www.efterskoli.gl
Efterskoli Villads Villadsen: www.vve.gl

Apeqqut 4.: *Illoqarfimmut akuulersitsineq sutigut angusaqarfiusumik ingerlanneqarpa?*

27. feb 2012
Sagsnr. 2008-007345
Dok. Nr. 834892

Postboks 1029
3900 Nuuk
Tlf: +299 34 50 00
Fax: +299 32 20 73
Email: iin@nanoq.gl
www.nanoq.gl

Akissut:

Tamanna pillugu Efterskoli Villads Villadsen akivoq: "Qasigianguani efterskolimi atuartut illoqarfimmi peqataasorujussuupput, tassa fritidsklubbimi peqatigiiffeqarnerlu ataatsimut isigalugu. Efterskolimi atuartut illoqarfimmi pisoqarnerani peqataasarpur, illoqarfimmi timersoqatigiinni tamani peqataasarlutik aammalu "klubbi" ornittagarilluarlugu, aamma klubbimi siunnersuoqatigiinni ilaasortaataqarlutik.

Efterskoli Villads Villadsen ukiuni pingasuni tamani atuartut tamangajalluinnarmik ilaqtariinnik attaveqarfigisartagassaannik naassarnikuuvoq. Taakku atuartunit atorluarneqarput, pingaartumik sapaatip akunnerisa naaneranni. Illoqarfimmi 1100 missaanik inoqartumi ilaqtariinnik 70-80-inik inuusuttunut illoqarfinnit allaneersunit angertarsimaffimminnik ammaasinnaasunik nassaarsinnaanerup Efterskolip Qasigianguani qanoq tapersorsorneqartiginera takutippaa. Illoqarfimmi innuttaasut ataatsimiinneri amerlasuut efterskolimi aamma ingerlanneqarput."

Tamanna pillugu Maniitsup efterskolia akivoq: "Maniitsup Efterskoliani siunertaavoq illoqarfiup pitsaasumik imminullu nappassinnaasumik suleqatiginissaata suliniutiginiisaa, taamaalilluni illoqarfimmi inuunermi kulturikkullu neqeroorutini peqataalerluni. Efterskolimut attaveqartartut illoqarfimmi innuttaasut akornanni pissarsiarineqartarput, pisoqartitsinernullu qaaqquneqartarlutik. Atuarfimmi atuartut peqatigiiffeqarnermi klubbimilu pissusissamisoorumik peqataasarpur, atuartullu illoqarfimmi ikinngutiminnit ullut tamaasa pularneqartarput. Atuartut 80%-ii illoqarfimmi ilaqtariinnik attaveqarfeqarput, tamatigunqajallu pitsaasumik atassuteqartoqartarpoq. Illoqarfimmi peqataanerup pingaaruteqassusia ME-mi ilisimalluinnarparput, atuarfillu pilersinneqarniariartoq kulturilu eqqortoq pilersinneqarniariarpat attaveqatigiinneq illugiimmik pissarsiaqarfiusoq pilissaaq."

Apeqqu 5.: *Kulturekkut siuarsaaneq qanoq pingaartinneqartigaa soorlu timersornikkut, isiginnaartitsinikkut, assassornikkut, nipilersornikkut, erinarsornikkut assigisaatigullu?*

Apeqqu:

Tamanna pillugu Efterskoli Villads Villadsen akivoq: "Sapaatip akunneranut skiima qivaraanni takuneqarsinnaavoq sapaatip akunneranut pingasoriarluni timersortoqartarpoq, ataasinngornikkut ullaakkut nipilersortoqartarpoq amerlanerusutigullu ullut sinnerini "ullormut eqqarsaatigissat". Taakkua saniatigut ukiumoortumik erinarsorluni nipilersorlunilu isiginnaartitsisoqartarpoq, tassani nipilersuutit oqaasertallu atuartut nammineq allattarlugit. Siorna cd-ip "Qaamaneq Ujarparput" saqqummersinneqarneranik tamanna kinguneqarpoq. Maannakkorpiaq efterskolimut illoqarfimmullu ukioq manna erinarsorluni nipilersorlunilu isiginnaartitsissutissaq atuartut suliaarat, erinarsorluni nipilersorlunilu isiginnaartitsinermi piffissap ingerlanerani kulturi oqaluttuarisaanerlu isiginnaagassiami "siunissap sorsuussutigineqarnera" ilisarnaatitut sammineqarlutik. Taassuma saniatigut sapaatip akunnikkaartumik ilinniakkat sammiviinik neqerooruteqartoqartarpoq.

EVV-mi ilinniakkani sammisat Tusagassiuutit/Attaveqatigiinneq, Silamiineq/Misigisassarsiorneq aamma Eqqumiitsuliorneq/Ilusilersuineq pingaartittorujussuuvagut. ilinniakkat sammiviini taakkunani pingasuni tamani immikkut kalaallit kulturiat isummerfigineqartarpoq, tassungalugu tunngassunik qisuariaateqarnissamut atuartut periarfissaqarput."

Tamanna pillugu Maniitsup efterskolia akivoq: "Maniitsup Efterskoliani ilinniakkat sammivii pingasuupput: Timersorneq, nipilersorneq aamma silaannarmiineq/misigisassarsiorneq. Ilinniakkat sammivii taakku sapaatip akunneranut 5 tiimit atorneqartarlutik salliuinneqarput. Ilinniakkat sammivii nutaaliorluni pilersitsiviusartut titartaaneq/qalipaaneq aamma assassorneq maannakkut nammineq toqqarneqarsinnaapput. Ilinniakkat sammivii sapaatip akunneranut 5 tiimit ingerlanneqartarput, ilinniakkallu

nammineq toqqarneqarsinnaasut sapaatip akunneranut 3 tiimiullutik. Aappagumiit ilinniakkat sammiviat nutaaliarluni pilersitsineq pilersinneqassaaq, tassa taamanikkussamut sannaveqalertussaagatta.

Ukiup ingerlanerani sapaatit akunnerini arfineq pingasuni sammisaqartoqartarpoq, taakunani tamani nutaaliarluni pilersitsineq sammineqartarpoq.

Ullut tamaasa ullaakkut katersuuttoqartarpoq oqaluttuortoqartarluni erinarsortoqartarlunilu."

Apeqquut 6.: *Qanoq efterskolertut inilerinikkut nerisassiornikkut najugaqarfimmilu suliassanut akuutitaatigisoqarpa?*

Akissut:

Tamanna pillugu Efterskoli Villads Villadsen akivoq: "Atuartut namminneq iniminni eqqiaanissaq akisussaaffigaat, piunasaqaataavorlu ullaakkut oqorutsiortoqartassasoq. Igaffimmi sulinermi eqqiaanermilu aammalu nerereernerit tamaasa nerriviiaanermi peqataasartorujussuusarput."

Tamanna pillugu Maniitsup efterskolia akivoq: "Atuafimmi eqqiaanermi nerisassiornermilu suleqataaneq efterskolimiinnerup ilagaa. Ulluinnarni suliassani atuartut peqataasarnernani siunertaavoq atuafimmik piginneqataanermik misigisaqarnerup siuarsarneqarnissaa, taassumalu saniatigut toqqaannartumik ilinniartitsisoqartarpoq, tassani eqqiaaneq nerisassiornernu atuartut ilinniartarlugu."

Apeqquut 7.: *Efterskolertut atuarnerminnik unititsiinnartartut maannamut takussutis-saqartinneqarpat, suna aamma pillugu uniinnartoqartarnera nalunaarsuteqartinneqarpat?*

Akissut: Aap – efterskolimiinnernik naammassinninnerit taamaatiinnarnerillu pillugit naatsorsueqqissaarnernik Naalakkersuisoqarfik ukiut tamaasa pissarsisarpoq, kisiannili taamaatiinnarnernut pissutaasut nalunaarutigineqarneq ajorput.

Tamanna pillugu Efterskoli Villads Villadsen akivoq: "Uani qinnuteqaat innersuussutigineqarpoq, taannalu atuartut atuaannarnissaannut perorsaanermillu ilisimatusarnermut aningaasat Namminersortutik Oqartussat immikkoortitaannut piaartumik nassiunneqassaaq. Tassani Efterskoli Villads Villadsenimi ilinniartitsisoq atuafinnut namminersortunut Nunami namminermi ilisimasaqarfimmi sulisoq suleqatigalugu Kalaallit Nunaanni efterskolini perorsaaneq pillugu ilisimatusarnermi ineriartortitsinermilu suliniummut aningaasanik qinnuteqaateqarpoq. Suliniutip ilaatigut imarissavaa efterskolini atuartut ilinniagaqaqqinnissamut ikaarsaariartarnerannik misissuineq annertoq, tamannalu aqutigalugu taakku ilinniagaqaqqinnermik ingerlatsisarnerannik nalunarsuineq".

Tamanna pillugu Maniitsup efterskolia akivoq: "ME-mi atuartut piffissaq suli naangitsoq atuarnermik unititsiinnartut sunalu pissutigineraat nalunaarsortarpavut, unititsiinnarnermullu pissutaasoq nalunaarsortarlugu."

Inussiarnersumik inuulluaqqusilluta
Med venlig hilsen



Palle Christiansen